

Hō SiōngChú Hoaⁿhí ê Sengoáh

4 Hiaⁿtī chímōe, goán chdeāu iáu ū ōe beh kā lín kóng. Lín íchêng bat tùi goán háksip engkai árchóaⁿ kiâⁿtáh, thang hō SiōngChú hoaⁿhí. Kísit lín íkeng ū chiàu áne teh sengoáh, chit^{má} goán hōng Chú lésu ê miâ lâi khúkiú kah khoànbíán lín, tiòh kèsiók koh khah lólék chiàu áne kiâⁿ. ² Inūi lín chai, goán hōng Chú lésu ê miâ sǒ hō lín ê kàsī sī siáⁿmih. ³ SiōngChú ê chíu sī ài lín chiáⁿchò sèngkiat, līkhui ímloān; ⁴ lín ài lín ták lāng ēhiáu ēng sèngkiat kah chunkùì ê hongsek, lâi chhīsiú kakī ê sengkhu, ⁵ m̄ thang chhinchhiūⁿ m̄ bat SiōngChú ê gōapang lāng teh hòngchhiòng suiók. ⁶ Koanhē chit hāng tāichì, jīm̄hō lāng lóng m̄ thang chò pháin, á sī khuithāi tângsìn ê hiaⁿtī chímōe. Goán bat kā lín kóng kòe, mā bat kā lín kóngkò kòe, Chú ē tēnghoat chò chit khoán tāichì ê lāng. ⁷ Inūi SiōngChú hōtiàu lán, m̄ sī ài lán kòe ùe ê sengoáh, sī kòe sèngkiat ê sengoáh. ⁸ Sǒi, kiannā kīchoat chit ê kàsī ê lāng, i m̄ sī teh kīchoat lāng, khiok sī teh kīchoat siúⁿsù lín Sènglêng ê SiōngChú.

⁹ Koanhē hiaⁿtī chímōe píchhú saⁿthiàⁿ ê tāichì, goán m̄ bián koh siá siáⁿmih hō lín, inūi SiōngChú íkeng kàsī lín tiòh píchhú saⁿthiàⁿ. ¹⁰ Kísit lín ū chiàu chit ê kàsī teh thiàⁿ choān Maketóniah ê sèngtō. Chóng sī, hiaⁿtī chímōe, goán khoànbíán lín tiòh koh khah lólék kèsiók áne chò. ¹¹ Lín mā tiòh chiàu goán íchêng kā lín hoanhù ê, tiòh lipchì kòe pēngchēng ê sengoáh, chīn kakī ê púnhūn, chhinchhiú chòkang lâi íchhī kakī ê sengoáh, ¹² áne, lín tòh ē tàng tit tiòh kàuhōe gōa ê lāng ê chunkèng, jīchhiáⁿ būsó khiàmkhoeh.

Sí Khì ê Sèngtō

¹³ Hiaⁿtī chímōe, koanhē hiahê íkeng sí khì ê lāng, góa bô ài lín it bû sǒ tì, chiah biántit lín chhinchhiūⁿ hiahê bô òngbāng ê lāng kàngkhoán pisiong. ¹⁴ Lán kijiân sionsìn lésu kenglék síbōng liáuāu, koh chàì oáh khí lâi, sǒi lán mā

Hō 上主歡喜 ê 生活

4 兄弟姊妹，阮最後 iáu 有話 beh kā lín 講。 Lín 以前 bat tùi 阮學習應該 án 怎行踏， thang hō 上主歡喜。其實 lín 已經有照 áne teh 生活，chit^{má} 阮奉主耶穌 ê 名來懇求 kah 勸勉 lín，tiòh 繼續 koh khah 努力照 áne 行。² 因為 lín 知，阮奉主耶穌 ê 名所 hō lín ê 教示是啥物。³ 上主 ê 旨意是 ài lín 成做聖潔，離開淫亂；⁴ 祂 ài lín ták 人 ē 曉用聖潔 kah 尊貴 ê 方式，來持守 kakī ê 身軀，⁵ m̄ thang 親像 m̄ bat 上主 ê 外邦人 teh 放縱私慾。⁶ 關係 chit 項 tāichì，任何人 lóng m̄ thang 做 pháin，á 是虧待同信 ê 兄弟姊妹。阮 bat kā lín 講過，mā bat kā lín 警告過，主 ē 懲罰做 chit 款 tāichì ê 人。⁷ 因為上主呼召咱，m̄ 是 ài 咱過污穢 ê 生活，是過聖潔 ê 生活。⁸ 所以，見若拒絕 chitê 教示 ê 人，伊 m̄ 是 teh 拒絕人，卻是 teh 拒絕賞賜 lín 聖靈 ê 上主。

⁹ 關係兄弟姊妹彼此相疼 ê tāichì，阮 m̄ 免 koh 寫啥物 hō lín，因為上主已經教示 lín tiòh 彼此相疼。¹⁰ 其實 lín 有照 chitê 教示 teh 疼全馬其頓 ê 聖徒。總是，兄弟姊妹，阮勸勉 lín tiòh koh khah 努力繼續 áne 做。¹¹ Lín mā tiòh 照阮以前 kā lín 吩咐 ê，tiòh 立志過平靜 ê 生活，盡 kakī ê 本份，親手做工來維持 kakī ê 生活，¹² áne，lín tòh ē tàng 得 tiòh 教會外 ê 人 ê 尊敬，而且無所欠缺。

死去 ê 聖徒

¹³ 兄弟姊妹，關係 hiahê 已經死去 ê 人，我無 ài lín 一無所知，chiah 免得 lín 親像 hiahê 無 òng 望 ê 人全款悲傷。¹⁴ 咱既然相信耶穌經歷死亡了後，koh 再活起來，所以咱 mā 相信上主 ē

sionsìn SiōngChú ē chhōa hiahê sí khì ê lâng kah lésu chòhóe koh lâi.

15 Goán chiàu Chú ê òe kā lín kóng, lán chiahe tī Chú chàilím ê sí iáu oáh teh ê lâng, bē pí hiahê íkeng sí khì ê lâng khah tāseng kìⁿ tiòh Chú. 16 Inūi hōlēng chitē chhut, thiⁿsàitiúⁿ ê siaⁿ chitē hoah, SiōngChú ê sàukak siaⁿ chitē hiáng, Chú púnsin beh tùì thiⁿ kànglím, j̄chhiáⁿ hiahê siòk Kitok íkeng sí ê lâng ē tāseng kohoáh. 17 Jiânāu, lán chiahe iáu oáh teh ê lâng ē kah in chòhóe siū chiapkhì hūnlāi, tī khongtìong kah Chú kìⁿbīn. Ánne, lán tòh éngoán kah Chú chòhóe. 18 Sói, lín tiòh iōng chiahe òe hōsiong kólē.

chhōa hiahê 死去 ê 人 kah 耶穌做伙 koh 來。

15 阮照主 ê 話 kā lín 講：咱 chiahe tī 主再臨 ê 時 iáu 活 teh ê 人，bē 比 hiahê 已經死去 ê 人 khah tāi 先見 tiòh 主。16 因為號令一下出，天使長 ê 聲一下 hoah，上主 ê 哨角聲一下響，主本身 beh tùì 天降臨，而且 hiahê 屬基督已經死 ê 人 ē tāi 先 koh 活。17 然後，咱 chiahe iáu 活 teh ê 人 ē kah in 做伙受接去雲內，tī 空中 kah 主見面。Ánne，咱 tòh 永遠 kah 主做伙。18 所以，lín tiòh 用 chiahe 話互相鼓勵。